




Aruba ganador di e séptimo Aruba Carnival Costume Festival



1997 a marca e di séptimo año consecutivo cu e Aruba International Carnival Costume Festival a wordo organizá caminda nueve país a participá entre nan pa promé biaha e isla spanó di Tenerife cu a bai cas como un di e finalistanan.

Aruba un biaha mas a conquistá e título máximo di e festival den persona di Ryan Maduro y su increíble trahe "Vesuvius, God of Volcanos", un estupendo trahe cu a captivá e hurado di e dos anochi den fantasíanan color corrá y geel simbolisando e yamarada y lava cu ta sali den furia di volcano.

Na di segundo lugar a keda e país por demas hopi carnavalesco di Brazil cu a presentá tambe un disfraz di e imperio chines cual hopi a catalogá como e ganador.

